

六
典
通
考

六典通考卷十三

湖西閻鎮珩輯

設官考

官府八法官聯

三曰官聯以會官治

官聯謂國有大事一官不能獨共則六官共舉之

小宰以官

府之六聯合邦治一曰祭祀之聯事二曰賓客之聯事三曰

喪荒之聯事四曰軍旅之聯事五曰田役之聯事六曰斂弛

之聯事凡小事皆有聯

鄭司農云大祭祀大宰贊玉幣司徒奉牛牲宗伯視滌濯洫玉鬯省牲鑊

奉玉盥司馬羞魚牲奉馬牲司寇奉明火火大喪大宰贊賸玉名玉司徒帥六鄉之眾庶屬其六糾宗伯爲上相司馬平

士大夫司寇前王此所謂官聯荒政弛力役及國中貴者賢者服公事者老者疾者皆舍不以力役之事

祭祀聯事

太宰祀五帝前期十日帥執事而卜日

前期前所諷之日也卜日容散齊七日致

齊三日執事宗伯大史之屬

祀大神元亦如之享先王亦如之

大宗伯

凡祀大神享大鬼祭大元帥執事而卜日

執事諸有事於祭者

大史

大祭祀與執事卜日

執事大卜之屬與之者當視墨

肆師凡祭祀之卜日

宿爲期詔相其禮

宿先卜祭之日

龜人若有祭祀則奉龜以往旅

亦如之

大卜大祭祀則眡高命龜

筮人凡國之大事先

筮而後卜

詳卜筮篇

右時日卜筮聯事

大宰祀五帝則掌百官之誓戒與其具修祀大神元亦如之

享先王亦如之小宰以法掌祭祀之戒具宰夫以式法

掌祭祀之戒具與其薦羞

射人諸侯在朝若有國事則掌

其戒令詔相其事

謂王有祭祀之事諸侯當助其薦獻者也

掌其治達

謂諸侯因與王射及

助祭而有所治受而達之於王王有命又受而下之

司士凡祭祀掌士之戒令詔相

其法事

大史大祭祀戒及宿之日與羣執事讀禮書而協

事

協合也合謂習錄所當共之事也

遂師凡國祭祀審其誓戒

條狼氏

凡誓執鞭以趨於前且命之誓大夫曰敢不關鞭五百誓師

曰三百誓邦之大史曰殺誓小史曰墨

詳官刑篇

右誓戒聯事

通典云祭前期十日王親戒百官及族人太宰總戒羣官又有誓命之辭郊特牲卜之日

王立於澤親聽誓命是也明堂位誓百官曰服大刑條狼氏誓師曰三百注謂樂師皆祭祀之誓也

膳夫王齊日三舉

玉府王齊則共食玉

玉是陽精之純者食之以禦水氣鄭

司農云王齊當食玉屑

鬯人凡王之齊事共其秬鬯

大宰祀五帝

前期十日帥執事而卜日遂戒祀大神亦如之享先王亦如

之司服士之服其齊服有元端素端

右齋戒聯事

鄉士大祭祀則各掌其鄉之禁令帥其屬夾道而蹕野廬

氏凡國之大事比修除道路者比校治道者名若蜡氏凡

國之大祭祀令州里除不蠲禁刑者任人及凶服者以及郊

野獨讀如吉主惟饒之主潔也刑者黥劓之屬銜枚氏國

之大祭祀令禁無囂令令主射鳥氏祭祀以弓矢啟烏鳶

烏鳶喜鈔盜便汗人

右禁令聯事

雞人大祭祀夜嘑旦以詔百官凡國事為期則告之時象雞

也告其有司主事者少牢日宗人朝服北面日請祭期主知時人曰比於子宗人曰旦明行事告時者至此旦明而告之

巾車大祭祀鳴鈴以應雞人

雞人主呼旦鳴鈴以和之聲旦警眾必使鳴鈴者車有和鷄相

應和之象

小宗伯祭之日告時於王告備於王

時薦陳之晚早備謂饌具

右爲期聯事

大宗伯凡祀大神享大鬼祭大示宿眡滌濯泣玉鬯省牲饗

宿申戒也

小宗伯大祭祀省牲眡滌濯祭之日逆盥省饗

逆盥受饗

人之盛以入省

太宰及執事眡滌濯

執事初爲祭事前祭日之夕滌濯謂溉祭

器及甑

宰夫從太宰而眡滌濯

肆師眡滌濯詔相其禮

祭之日表盥盛告絜展器陳告備

盥六穀也在器日盛陳陳列也

右省眡聯事

掌次王大旅上帝則張氈案設皇邸

張氈案以氈爲牀於幄中鄭司農云皇用覆上

邸後版也元謂後版屏風與染羽象鳳凰羽色以爲之

朝日記五帝則張大次小次設

重帝重案

朝日春分拜日於東門之外祀五帝於四野次謂幄也大幄初往所止居也小幄謂接祭退俟之處

重帝重複帝重案牀重席也

凡祭祀張其旅幕張尸次

旅眾也公卿以下卽位所祭祀之門外以

待事爲之張大幕尸次

冪人掌共巾冪祭祀以疏布巾冪

八尊

詳見天神考

幕人凡祭祀共其帷幕幄帟綬

右張設聯事

典路若有大祭祀則出路贊駕說校人凡大祭祀毛馬而

頒之

毛馬齊其色也頒授當乘之

司常凡祭祀各建其旗節服氏掌

祭祀袞冕六人維王之大常諸侯則四人其服亦如之大

馭掌馭玉路以祀及犯軼王自左馭馭下祝登受轡犯軼遂

驅之乃祭酌僕僕左執轡右祭兩軹祭軌乃飲

詳禮制篇

旅賁

氏凡祭祀則服而趨

服而趨夾王車趨也王齊服服元端

齊右

掌祭祀前齊車王乘則持馬行則陪乘齊車金路王自整齊之車也前之者已駕
王未乘之時陪乘參乘謂車右也齊右與齊僕同車
而有祭祀之事則兼王路之右然則戎右兼田右與
事則前馬王見牲則拱而式居馬前卻行備驚
祀王舉則從 保氏凡祭祀王舉則從 師氏凡祭

右出路聯事

大僕祭祀正王之服位詔法儀王出入則自左馭而前驅

小臣大祭祀沃王盥小祭祀掌事如大僕之法 御僕大祭

祀相盥而登相盥者謂奉樂授巾與登謂爲王登牲體於俎 大祝辨九擗一曰譜

首二曰頷首三曰空首四曰振動五曰吉擗六曰凶擗七日

奇擗八曰褒擗九曰肅擗以享右祭祀詳吉 大史大祭祀

祭之日執書以次位常謂校呼之教其所當居之處 辨事者考焉不信者

誅之謂抵冒其職事 大宗伯凡祀大神享大鬼祭大元涖玉鬯奉

玉盥治其大禮詔相王之大禮玉禮神也 大宰祀五帝及納

亨贊王牲事及祀之日贊玉幣爵之事納亨納牲將告殺謂鄉祭之晨既殺以授

享人凡大祭祀君親牽牲大夫贊之日旦明也 祀大神元亦如之享先王亦如之贊

玉几玉爵玉几所以依神天子左右玉几宗廟獻用玉爵 小宰凡祭祀贊玉幣爵

之事又從大宰助王也 射人祭祀相孤卿大夫之法儀 司士凡

祭祀掌士之戒令詔相其法事 肆師祭之日相治小禮誅

其慢怠者 大祝凡大禋祀肆享祭元隋爵逆牲逆尸令鐘

鼓右亦如之隋饌謂薦血也凡血祭曰爵既隋爵後言逆牲容逆鼎右讀亦當為侑 來瞽令舉

舞舉讀為卒嗥呼之入 封人歌舞牲及毛炮之豚謂君牽來瞽者皆呼之入

隨歌舞之言其肥香以款神也毛炮 充人展牲則告牲展

豚者燭去其毛而炮之以備八珍

若今夕牲也特性饋食之禮曰宗碩牲則贊贊助君牽牲入

也射人祭祀則贊射牲蒸嘗之禮有射豕者國語曰禘郊

云劉大僕贊王牲事牲事殺割載之屬司士帥其屬而割牲羞

俎豆割牲制體也羞進也鄉師大祭祀羞牛牲大司徒祀五帝奉

牛牲羞其肆牛能任載地類也羞進也肆陳骨體也進所肆解骨體享先王亦如之

小司徒凡小祭祀奉牛牲羞其肆小祭祀王元冕所祭羊人祭祀割

牲登其首登升也升首報小子掌祭祀羞羊肆羊胾肉豆

羊肆體薦全烝也羊般體解節折也肉豆者切肉也肆讀為髣羊髣者所謂豚解也大司寇大祭祀

奉犬牲小司寇小祭祀奉犬牲諸子大祭祀正六牲之

體大司馬大祭祀羞牲魚授其祭詳食禮小司馬小祭祀

掌其事如大司馬之法小子祭祀贊羞量人凡祭祀制

其從獻脯臠之數量

詳膳飲考

小宗伯祭之日逆盥省鑊

逆盥受館

人之盛以入省錢視亨腥孰

小祝大祭祀逆盥盛贊奠

奠奠爵也祭祀奠先徹後反言

之者明所佐大祝非一

右臨祭聯事

庖人共祭祀之好羞

謂四時所為膳食若荆州之蟹胥雖非常物進之孝也

亨

人祭祀共大羹鉶羹

大羹肉清鉶羹加鹽菜矣

甸師共野果蓏之薦

桃果

李之屬蓏瓜瓠之屬

醴人祭祀共醴羸蜺以授醢人

羸蜺蟪蛄也蜺蜺子

腊人凡祭祀共豆脯薦脯臠胖凡腊物

酒正凡祭祀以法

共五齊三酒以實八尊大祭三貳中祭再貳小祭壹貳皆有

酌數唯齊酒不貳皆有器量

詳見膳飲考

酒人凡祭祀共酒以

往不言奉小祭祀

冰人祭祀共冰鑑

籩人凡祭祀共其籩薦羞

之實既食未飲曰羞醢人凡祭祀共薦羞之豆實醢人

共祭祀之齊菹凡醢醬之物齊菹醢屬醢人鹽人祭祀共

其苦鹽散鹽杜子春讀苦為鹽謂出鹽直川衡祭祀共川

奠川奠籩豆之實澤虞凡祭祀共澤物之奠澤物之奠亦

魚繡蜃蛤之屬掌蜃祭祀共蜃器之蜃飾祭器之屬也鄭司農

之屬廩人大祭祀則共其接盛接讀為一板再之板舍人凡祭

祀共簠簋實之陳之春人祭祀共盥盛之米饌人掌凡

祭祀共盛炊而共之司兵祭祀授舞者兵授以朱干服不氏

凡祭祀共猛獸謂中膳羞掌畜祭祀共卵鳥其卵可薦之鳥司巫

祭祀則共匭主及道布及菹館道布者為神所設巾中雷禮

菹之言藉也祭食有當藉者館所以承菹謂若今筐也主先

匭菹後館互言之者明共主以匭共菹以筐大祝取其主菹

陳之器則退也土虞禮曰其茅長五寸實於篚饌於西
 站上又曰祝盥升取苴苴降洗之升入設於几東席上東
 鄉師大祭祀共茅苴也祝設於几東席上命佐食取黍稷祭
 于苴三取膚祭祭如初此所以承祭既祭蓋束而去之
 蕭祭脂郊特牲云蕭合黍稷臭陽達於牆屋故既薦然後炳
 蕭合馨香合馨者是蕭之謂也茅以共祭之苴亦以縮酒苴
 以藉祭縮酒淨酒也

宗廟之祭甸師共茅與司巫司巫以共苴館士虞禮所
 謂刈茅長五寸是也圓丘之祭甸師送茅與鄉師鄉師
 為苴以縮酒齊桓公責楚貢包茅是也賈公彥又謂鄉
 師得茅以共茅苴則司巫之苴館亦由鄉師共之而其
 茅皆取諸甸師云

右共具聯事

大祝相尸禮

延其出入詔其坐作

小祝大祭祀逆尸沃尸盥贊隋尸

之祭也

大祝辨九祭一曰命祭二曰衍祭三曰炮祭四曰周

祭五曰振祭六曰擣祭七曰絕祭八曰繚祭九曰共祭

詳見吉禮

右事尸聯事

大祝掌六祝之辭以事鬼神元祈福祥求永貞一曰順祝二

曰年祝三曰吉祝四曰化祝五曰瑞祝六曰筴祝

順祝順豐年也年祝

求永貞也吉祝祈福祥也化祝弭災兵也瑞祝逆時雨宜風旱也筴祝遠罪疾辨六號一曰神號二

曰鬼號三曰元號四曰牲號五曰齎號六曰幣號

神號若云皇天上帝

鬼號若云皇祖伯某祇號若云后土地祇幣號若云嘉王幣云量幣牲號謂犧牲皆有名號齎號謂黍稷皆有名號也

凡大禋祀肆享祭元則執明水火而號祝

明水火司烜所共日月之氣以給烝

享執之如以六號祝明此圭潔也

建邦國頒祭號於邦國都鄙

祭號六號 大宗

伯凡祀大神享大鬼祭大元詔大號大號六號之大者以詔大祝以為祝辭

右祝號聯事

鬱人大祭祀與量人受舉尊之卒爵而飲之尊受福之椒聲之誤也王醕尸

尸椒王此其卒爵也鬱人受王之卒爵王出房時也鬱人贊裸尸量人制從獻之脯醢事相成量人凡宰

祭與鬱人受尊歷而皆飲之尊讀如椒尸之椒宰冢宰

右受爵聯事

膳夫凡王祭祀則備王之胾俎胾俎最尊其餘則其屬徹之大祝既祭

令徹小祝大祭祀贊徹小子祭祀受徹焉肆師凡祭

祀禮成則告事畢小祝大祭祀送尸司巫凡祭祀守瘞

瘞謂祭地祇有埋牲玉者也守之也祭禮未畢若有事然祭禮畢則去之

右祭畢聯事

大宗伯以脰膳之禮親兄弟之國

脰膳社稷宗廟之內以賜同姓之國同福祿也

都宗人掌都祭祀之禮凡都祭祀致福于國

主其禮者警戒其糾其戒具其

來致福則帥而以造祭僕

家宗人掌家祭祀之禮凡祭祀致福

大夫采地之所

祀與都同若先王之于禘亦有祖廟

祭僕凡祭祀致福者展而受之

臣有祭事必致

祭內於君所謂歸昨也展謂緣視其牲體數

膳夫凡祭祀之致福者受而膳之

右致福聯事

大宗伯若王不與祭祀則攝位

王有故代行其祭事

凡大祭祀王后不

與則攝而薦豆籩徹

薦徹豆籩王后之事

祭僕掌受于王以眡祭祀

而警戒祭祀有司糾百官之戒具

謂王有故不親祭也祭祀有司有事於祭祀者糾謂

校錄所當共之牲物

既祭帥羣有司而反命以王命勞之誅其不敬者

凡祭祀王之所不與則賜之禽都家亦如之

公卿自祭其先祖則賜之禽也

王所不與同姓
有先王之廟

右王不與祭聯事

楚語古者民神不雜

謂司民司神民之官各異

民

之精爽不懣貳者而又能齊肅衷正其智能上下比義其聖能光遠宣朗其明能光照之其聽能聽徹之如是則明神降之在男曰覲在女曰巫是使制神之處位次主而爲之牲器時服而後使先聖之後之有光烈而能知山川之號高祖之主宗廟之事昭穆之世齊敬之勤禮節之宜威儀之則容貌之崇忠信之質禋潔之服而敬恭明神者以爲之祝使名姓之後能知四時之生犧牲之物玉帛之類采服之儀彝器之量次主之度屏攝之位壇場之所上下之神氏姓之出

所自出也

而心率舊典者爲之宗

宗宗伯也

于是乎

有天地神民類物之官謂之五官各司其序不相亂也民是以能有忠信神是以能有明德民神異業敬而不瀆故神降之嘉生民以物享禍災不至求用不匱

賓客聯事

司門凡四方之賓客造焉則以告

造猶至也告告於王而止客以俟逆

司關

凡四方之賓客啟關則爲之告有外內之送令則以節傳出

內之

謂朝聘者也啟關猶謁關人也有送令謂奉貢獻及文書以常事往來

環人掌送逆邦

國之通賓客以路節達諸四方凡門關無幾送逆及疆

通賓客以

常事往來者也路節旌節也四方畿上環人送逆之則賓客出入不見幾

掌訝若將有國賓客

至則戒官修委積與士逆賓于疆爲前驅而入

官謂牛人羊人舍人委人

之屬士訝士也既戒乃出迎賓

訝士邦有賓客則與行人送逆之入於國

則為之前驅而辟野亦如之送逆謂始來及去也入國入野自以私事

右迎賓聯事

遂人凡賓客令修野道而委積委積於廬宿市遂師賓客則巡其

道修庀其委積巡其道修行治道路也射人有大賓客則作卿大夫

從作者選使從王見諸侯司士凡會同作士從賓客亦如之作士從謂可使

從於王者野廬氏若有賓客則令守涂之人聚櫟之有相翔者

誅之守涂地之人道所出廬宿旁民相翔備昌翔觀伺者也掌訝凡訝者賓客至而

往詔相其事而掌其治令鄉士大賓客則各掌其鄉之禁

令小司寇大賓客前王而辟為王道辟除姦人也若今時執金吾下至令尉奉引矣

右戒令聯事

庖人共賓客之禽獻禽獻獻禽於賓客外饗掌祭祀之割亨共其

脯修刑膳陳其鼎俎實之牲體魚腊凡賓客之饗食之事亦

如之獸人凡賓客共其死獸生獸敝人凡賓客共其魚

之鱸麇腊人凡賓客共其脯腊凡乾肉之事川衡賓客

共川奠澤虞賓客共澤物之奠場人賓客共其果蓏

淩人賓客共冰酒正共賓客之禮酒共后之致飲於賓客

之醴醫醢糟皆使其士奉之禮酒王所致酒也王致酒人

共賓客之禮酒飲酒而奉之凡祭祀共酒以往賓客之陳酒

亦如之詳見膳漿人所給亦籩人共賓客之稍禮稍禮非殯饗之禮畱

六飲而已籩人喪事及賓客之事共其薦籩羞籩醢

人凡祭祀共薦羞之豆實賓客喪紀亦如之賓客之禮共醢

五十簋致饗餼時醢人共醢五十簋鹽人賓客共其形鹽散

鹽形似虎形者鹽之

亨人祭祀共太羹鉶羹賓客亦如之 舍人

凡祭祀共簠簋實之陳之賓客亦如之 饌人凡賓客共其

簠簋之實饗食亦如之 牛人凡賓客之事共其牢禮積膳

之牛饗食賓射共其膳羞之牛牢禮殽饗也積所以給賓客之用若司儀職曰主國五積

者也膳所以開禮賓客若掌客云殷膳太牢羞進也所以進賓之膳燕禮小臣請執幣者與羞膳者至獻賓而膳宰設折

俎王之膳羞亦猶此封人賓客則飾其牛牲 羊人賓客共其法羊

圉人凡賓客牽馬而入陳賓客之馬王所以賜之者典瑞凡賓客之

事共其玉器而奉之玉器謂四圭裸圭之屬司服凡大賓客共其衣

服而奉之奉猶送也送之於王所

右共其聯事

雞人大祭祀夜呼旦以詔百官凡國之大賓客亦如之 閭

人設門燎蹕宮門凡賓客亦如之 齊僕掌馭金路以賓待

賓客旅賁氏凡會同賓客則服而趨服而趨夾王車趨也 射鳥氏祭

祀以弓矢陂鳥薦凡賓客會同亦如之烏薦善鈔盜便汗人 小史大

賓客佐大史

右賓至聯事

小宰凡賓客贊裸凡受爵之事唯裸助宗伯其餘皆助太宰 大宗伯大

賓客則攝而載裸詳饗禮 小宗伯凡賓客以時將贊裸 肆

師大賓客泣筵几築鬻贊果將此王所以禮賓客酌鬱鬯投大宗伯載裸 鬱人

掌裸器凡祭祀賓客裸事和鬱鬯以實彝而陳之鬱草名十葉為鬯百

二十貫為築以煮之焦中停於祭前鬱為草若蘭 典瑞裸圭有瓊以裸賓客

右裸禮聯事

小宰凡賓客贊裸凡受幣之事 小宗伯大賓客受其將幣

之齋

謂所齋來貢

校人凡賓客受其幣馬

賓客之幣馬來朝聘而享王者

服不氏賓客之事則抗皮

謂賓客來朝聘布皮幣者服不氏主舉藏之

右受幣聯事

周語定王使單襄公聘於宋遂假道於陳

候不在疆司空不視塗膳宰不致餼司里不授館國無寄

寓縣無施舍畱賓弗見單子歸告王曰陳侯不有大咎國

必亡周之秩官有之曰敵國賓至關尹以告行理以節逆

之候人爲導卿出郊勞門尹除門宗祝執祀司里授館司

徒具徒司空視塗司寇詰姦虞人入材甸人積薪火師監

燎水師監濯膳宰致餐廩人獻餼司馬陳芻工人展車百

官各以物至賓入如歸是故小大莫不懷愛其貴國之賓

至則以班加一等益虔至於王使則皆官正泣事上卿監之若王巡守則君親監之今雖朝也不才有分族於周承王命以爲過賓於陳而司事莫至是蔑先王之官也

喪禮聯事

大祝大喪始崩

曲禮曰王者死曰崩

大僕大喪始崩戒鼓傳達於四

方

戒鼓擊鼓以警眾也書戒爲駭

鼓人大喪則詔大僕鼓

大喪始崩及窆時也

大祝奠

小祝佐之

右始死聯事

書顧命惟四月哉生魄王不懌甲子王乃

洮頰水相被冕服憑玉几乃同召大保奭芮伯彤伯畢公

衛侯毛公

冢宰第一召公頰之司徒第二芮伯爲之宗伯第三彤伯爲之司馬第四畢公頰之司寇第五

衛侯爲之司空師氏虎臣百尹御事王曰嗚呼疾大漸惟

幾病日臻既彌畱恐不獲誓言嗣茲予審訓命汝昔君文

王武王宣重光奠麗陳教則肆

文武布其重光崇聖之德定天命施陳教則勤勞

肆不違命克達殷集大命在後之侗敬迓天威嗣守文武

大訓無敢昏逾今天降疾殆弗興弗悟爾尙明時朕言用

敬保元子釗宏濟於艱難柔遠能邇安勸小大庶邦思夫

人自亂於威儀爾無以釗冒責於非幾茲既受命還出綴

衣於庭

綴衣幄帳羣臣既退徹出幄帳於庭王寢於北牖下東首反初生

越翼日乙丑王

崩太保命仲桓南宮毛倬爰齊侯呂伋以二千戈虎賁百

人逆子釗於南門之外延入翼室恤宅宗

夏采掌大喪以冕服復於大祖以乘車建綏復於四郊

求之

生常所有事之處乘車玉路於大廟以冕服不出宮也四郊以綏出國門此行道也夏采天子之官故以冕服復於大祖

以乘車建綏復於四郊天子之禮也太祖始祖廟也明堂位
曰凡四代之服器魯兼用之有虞氏之旂夏后氏之綏則旌
所謂注旌於千首者王祀四郊乘玉路建太常今以復去其
旒異之祭僕大喪復於小廟小廟高祖以下廟也始祖曰太廟隸僕大喪
復於小寢大寢小寢高祖以下廟也始祖曰大寢玉府大喪共復衣裳
至四郊元謂復於四郊以綏司服大喪共其復衣服皆
掌其陳序

右復聯事

喪大記復有林麓則虞人設階無林麓則狄

人設階

虞人主林麓之官也狄人樂吏之賤者階梯也簣簣之類

小臣復復者朝服君

以卷夫人以屈狄大夫以元纁世婦以褱衣士以爵弁士

妻以稅衣皆升自東榮中屋履危北面三號卷衣投於前

司服受之降自西北榮

小臣君之近臣也復用死者之祭服以其求於神也君以卷謂上公

也夫人以屈秋互言耳上公以袞則夫人用褱衣侯伯以鷩其夫人用綌秋子男以毳其夫人乃用屈秋矣賴赤也元衣赤裳所謂卿大夫自元冕而下之服也其世婦亦以褱衣榮屋翼以束榮者謂卿大夫士也天子諸侯言東雷危棟上也號若云皋某復也司服以筐待衣於堂前

大宗伯朝覲會同則為上相大喪亦如之大司寇凡朝覲

會同前王大喪亦如之大喪所前師氏喪紀王舉則從舉

也保氏喪紀王舉則從大司馬大喪平士大夫平者正其職與

其位小司馬小喪紀掌其事如大司馬之法司士大喪作

士掌事事謂奠射人大喪作卿大夫掌事掌事謂奠大喪小

喪掌小官之戒令帥執事而治之大喪王后世子小喪夫人以下小官士也其大官則

家宰掌其戒令小宰以法掌賓客之戒具喪亦如之戒官有事所當共法謂有

舊法施行雞人大祭祀夜嘑旦以詔百官喪紀亦如之司隸

邦有喪紀之事則役其煩辱之事煩猶劇也士喪禮下篇曰隸人涅廁宰夫

三公六卿之喪與職喪帥官有司而治之旅冢宰下士虎賁氏

國有大故則守王門大喪亦如之旅賁氏喪紀則衰葛執

戈盾葛經武士尙輕司士國有故則致士而頒其守大司徒

若國有大故則致萬民於王門令無節者不行於天下大故謂王

崩司險國有故則藩塞阻路而止行者以其屬守之唯有

節者達之有故喪災及兵也閉絕要害之道備姦寇也

右戒臣民聯事

射人大喪與僕人遷尸僕人大僕也僕人與射人俱掌王之朝位也王崩小斂大斂遷尸于室堂

朝之象也檀弓曰扶君卜人師扶右射人師扶左君薨以是舉玉府大喪共角枕角

以枕尸角相角匕也幕人大喪共帷幕帟綬詳陳殯具章掌

以楔齒令可飯含

次掌張事凡喪王則張帘三重諸侯再重孤卿大夫不重張

柩上承塵 委人喪紀共其木材木材給張事

右遷尸楔齒綴足帷堂聯事

象胥凡國之大喪詔相國客之禮儀而正其位客謂諸侯使臣來弔者

諸子大喪正羣子之服位 肆師大喪令外內命婦序哭

序使相次秩 內宗大喪序哭者序次內外宗及命婦哭王 九嬪若有賓客

則從后大喪帥序哭者亦如之亦從後帥猶道也后哭眾之次敘者乃哭 司士

凡士之有守者令哭無去守守官不可空也

右哭位聯事

小宰喪受其含禭幣玉之事王喪諸侯諸臣有致含禭幣玉之事 司常大喪

共銘旌銘旌王則大常也

右含襚為銘聯事

鬯人大喪之大湏設斗共其斂鬯

斗所以沃尸也鬯酒使之香美者鄭司農云

發讀為斂

鬱人大喪之湏共其肆器

喪大記曰君設大盤造冰焉大夫設夷盤造冰焉士

併瓦盤無冰設牀積第有枕此之謂肆器天子亦用夷盤

肆師大喪大湏以鬯則築鬻

築香草煮以爲鬯以浴尸

典絲喪紀共其絲纁組文之物

以給綵縷著盱口綦握之

屬

內司服后之喪共其衣服凡內具之物

凌人大喪共

夷槃冰

夷之言尸也實冰于夷槃中置之尸牀之下所以寒尸尸之槃曰夷槃牀曰夷牀衾曰夷衾夷尸曰夷于

堂漢禮器制度大槃廣八尺長丈二尺深三尺漆赤中

典瑞大喪共飯玉含玉

以雜米也含玉粒左右頤及在口中者雜記曰含者執璧將命則是璧形而小耳

玉府大喪共含

玉

舍人喪紀共飯米

飯所以實口不忍虛也君用梁大夫用稷士用梁皆四升實者唯盈

右陳沐浴襲飯含之具聯事

小宗伯王崩大肆以秬鬯

杜子春讀鬯為泔以秬鬯浴尸元謂大肆始陳尸伸之

大祝大喪始崩以肆鬯

肆鬯所為陳尸設鬯也

小祝大喪贊

女御大喪掌沐浴

王及后之喪

右沐浴聯事

喪大記管人汲授御者御者差沐於堂上

君沐梁大夫沐稷士沐梁甸人為垆於西牆下陶人出重

鬲管人受沐乃煮之甸人取所徹廟之西北昨薪用爨之

管人授御者沐乃沐沐用瓦盤拒用巾如它日小臣孤手

剪須濡濯棄於坎

差浙也浙飯米取其潘以為沐也浴沃用科一於盤中文相變也士喪禮沐稍

此云士沐梁蓋天子之士也以差率而上之天子沐黍與

大祝大喪相飯

大宰大喪贊含玉

死者口實天子以玉維記日含者執璧將命曰

寡君使某含則諸侯含以璧

右飯含襲聯事

小祝置銘

鄭司農云銘書死者名於旌今謂之柩士喪禮曰爲名各以其物亡則以緇長半幅

三寸書名于末曰某氏某之柩竹杠長三尺置于西階上重木置于中庭參分庭一在南

司烜氏凡邦

之大事共墳燭庭燎

元謂墳大也樹於門外曰大燭於門內曰庭燎

閭人喪紀之

事設門燎

燎地燭也

右置銘爲燎聯事

封人凡喪紀則飾其牛牲

牛人喪事共其奠牛

謂殷奠遣奠也喪所

爲饋曰奠

圉人喪紀共其生獸死獸之物

獸人凡喪紀共其

死獸生獸

腊人喪紀共其脯腊凡乾肉之事

敝人喪紀

共其魚之鱸薨

醢人凡祭祀共薦羞之豆實喪紀亦如之

以上七官並陳大敘奠至祖奠遣奠通用

右陳小斂衣奠聯事

小宗伯王崩及執事泣大斂小斂帥異族而佐

執事大祝之屬泣臨也親

斂者蓋事官之屬為之喪大記曰小斂衣十九稱君大夫士一也大斂君百稱大夫五十稱士三十稱異族佐斂奠者可助以相大祝大喪贊斂喪祝凡卿大夫之喪掌事而斂飾

棺焉

右小斂聯事君之喪大胥是斂眾胥佐之大夫之喪大

胥侍之眾胥是斂

胥當為祝侍猶臨也大祝之職大喪贊斂喪祝卿大夫之喪掌斂士喪禮商祝

主斂

大祝大喪徹奠

疏曰此文承大喪之下故奠為始死之奠小斂大斂奠並大祝徹之

小祝贊

徹贊奠

右小斂徹奠聯事

挈壺氏凡喪縣壺以代哭者皆以水火守之分以日夜代更

未大故代哭以水守壺者為沃漏也以火守壺者夜則火視刻數也分以日夜者異晝夜漏也君喪虞人

出木角狄人出壺雍人出鼎司馬縣之乃官代哭代更也未

聲為其罷倦既小斂可以為滿刻分時而更哭也大夫官代哭不縣壺下君士代哭

不以官疏自以親

右代哭聯事

司几筵凡喪事設葦席右素几其柏席用荏蓐純諸侯則紛

純每敦一几喪事謂几奠也荏如葦而細者柏梓字磨滅之

在賓則梓蓋既定則加見皆謂覆之周禮雖合葬及凡凶事

仍几仍因其質謂無飾也典瑞駟圭璋璧琮琥璜之渠眉

疏璧琮以斂尸以斂尸者於大斂焉加之也駟讀為組渠眉

玉飾之溝瑑也以組穿聯六玉溝瑑之中以

斂尸主在左璋在首琥在右璜在足璧在背琮在腹蓋取象方明神之也疏壁琮者通於天地 小祝贊徹

小宗伯及執事泣大斂帥異族而佐 甸師喪事代王受

告不國遭大喪若云此黍稷不馨使鬼神 大祝大喪言甸

人讀禱言猶語也禱六辭之屬禱也甸人喪事代王受 小

祝設熬熬者棺既蓋設於其旁所以惑蚺蜺也喪大記曰熬

士喪禮曰熬黍各二簋有魚腊饌於西坵南又曰設熬一簋乃塗

右大斂及殯聯事

小宗伯辨吉凶之五服 司服掌王之吉凶衣服 大僕喪

紀正王之服位詔法儀 內司服凡祭祀賓客共后之衣服

及九嬪世婦凡命婦共其衣服共喪衰亦如之 追師掌王

后之首服為九嬪及外內命婦之首服以待祭祀賓客喪紀

共筭經亦如之 內宰凡喪事佐后使治外內命婦正其服

位使其屬諸子大喪正羣子之服位 肆師禁外內命男

女之喪不中法者且授之杖外命男六鄉以出也內命男朝

喪服爲夫之君齊衰不杖內命女王之三夫人以下不中法違升數與裁制者詳喪禮篇

右成服聯事

天府凡國之玉鎮大寶器藏焉若有大喪則出而陳之既事

藏之玉鎮大寶器玉瑞玉器之美者典路若有大祭祀則

出路贊駕說大喪亦如之書顧命曰成王崩康王既陳先王

昨階面先路在左塾之前次路在右塾之前

石陳寶器聯事

宮正大喪則授廬舍辨其親疏貴賤之居廬倚廬也舍聖室也親者貴者居倚

廬疏者賤者居室射人大喪比其廬不敬者苛罰之

右居廬聯事

外宗大喪則敘外內朝莫哭者內外宗及外命婦世婦大喪比外

內命婦之朝莫哭不敬者而苛罰之苛譴也司服大喪共其

奠衣服奠衣服今坐上魂衣也陳小斂奠章有封人飾牛牲

所通用此條後凡奠通用

右朝夕奠聯事

籩人喪事共其薦籩羞籩喪事之籩謂殷奠時陳小斂奠章有封人等七官陳大斂章有司几

筵設草席素几朝夕奠章司服共奠衣服皆此章通用此條凡後殷奠通用外饗凡小喪紀陳

其鼎俎而實之謂喪事之奠祭

右朔月月半殷奠聯事

小宗伯及執事祇葬獻器遂哭之卜葬兆南竈亦如之兆墓

甫始也竈謂葬穿墳也今南陽名穿地為竈聲如腐脆之脆

冢人掌公墓之地辨其兆

域而為之圖先王之葬居中以昭穆為左右

公君也圖謂畫其地形及邱隴

所處而藏之先王造塋者昭居左穆居右夾處東西

大喪既有日請度甫竈遂為之尸

既有日既有葬日也始竈時祭以告后土冢人為之尸

及竈以度為邱隧

隧羨道也度邱與羨道廣

至表所

龜人若有祭事則奉龜以往喪亦如之

大卜凡喪

事命龜

士喪禮則筮宅卜日天子卜葬兆凡大卜陳龜貞龜命龜祇高其他以差降焉

右卜宅聯事

世婦掌喪紀之事帥女宮而濯概為盥盛

概拭也為猶差擇

內豎

若有喪紀之事則為內人蹕

內豎為六宮蹕者以其掌內小事

右陳朝祖奠聯事

喪祝及辟令啟辟謂除故塗梓也令啟謂喪祝主命役人開
斧於梓上畢塗也檀弓曰天子之殯也故塗龍輅以梓加
屋天子之禮也闕人喪紀之事設門燎蹕宮門廟門蹕止行者

士師諸侯為賓則帥其屬而蹕於王宮大喪亦如之內

豎王后之喪遷於宮中則前蹕喪遷者將葬朝於廟大司寇前王大

喪亦如之大喪所前或嗣王小司寇大賓客前王而辟后世子之

喪亦如之閭胥凡喪紀之數聚眾庶喪紀大大司徒大

喪帥六鄉之眾庶屬其六引而治其政令六引謂喪車索也

主六遂人大喪帥六遂之役而致之及葬帥而屬六綽及

窆陳役致役致於司徒給墓上事及窆也綽舉棺索也葬舉

與陳役者主陳列之耳匠師帥監之鄉師以斧涖焉大喪之

正棺殯於朝及引六鄉役之載及窆六遂役之窆謂下棺時
遂人主小司徒大喪帥邦役治其政教喪役正棺鄉師

陳役也

大喪用役則帥其民而至遂治之

治謂監督其事

喪祝及朝御廛

朝謂將葬朝於祖考之廟而後行則喪祝為御廛也檀弓曰喪之朝也順死者之孝心也其哀離其室也故至於祖考之

廟而後行殷朝而殯於祖周朝而遂殯

小喪亦如之

喪祝乃奠

乃奠朝

小喪

亦如之

天府凡吉凶之事祖廟之中沃盥執燭

凶事后王

廟之

遂師大喪共蜃車之役

蜃車極路也極路載柳四輪迫地而行有似於蜃因取名

馬

稍人大喪帥蜃車與其役以至掌其政令以聽於司徒

蜃車及役送人共之有野監是以帥而致之既夕禮曰既正極賓出遂匠納車於階間則天子以至於士極路皆從

送

巾車小喪共廛路

廛路載

圉人凡喪紀牽馬而入陳

喪紀之馬啟後所薦馬

廐馬亦如之

廐馬造車之馬人捧之亦牽而入陳

右朝祖奠薦車馬聯事

縫人喪縫棺飾焉

孝子既啟見棺猶見親之身既載飾而以行遂以葬若存時居於帷幕而加文繡喪

大記曰飾棺君龍帷云云衣衣髮柳之材必先纏衣其材乃以張飾也柳之言聚諸飾之所聚巾車

小喪共匱路與其飾匱路載棺也飾棺飾也喪祝凡卿大夫之喪掌

事而飾棺焉詳小敘章

右飾棺聯事

司服大喪共其厥衣服厥衣服所藏於梓中司常大喪建厥車之旌

及葬亦如之葬云建之則行厥車解說之車僕大喪厥革車遺車不徒戎路廣闊

革輅皆巾車大喪飾遺車遂厥之行之謂陳駕之行之使人以次舉之以如

墓也遺車司裘大喪厥裘飾皮車皮車遺車之革路厥與也若詩之興謂象似而

作之凡為神之偶校人大喪飾遺車之馬及葬埋之言埋衣服必沽而小耳

馬乃塗車圉人凡喪紀厥馬詳見朝祖奠章澤人喪紀共其藁

蒲之事藁以罔曠掌荼掌以時聚荼以共喪事共喪事者以著物也

既夕禮曰
尚著用茶

司兵大喪廡五兵

士喪禮下篇
有甲冑干笱

司弓矢大喪

共明弓矢

弓矢明器之用器也
士喪禮下篇曰用器弓矢

司干大喪廡舞器

樂

師凡喪陳樂器則帥樂官

大司樂大喪泣廡樂器

臨筮師
鍾師之

屬

眡瞭大喪廡樂器

笙師大喪廡其樂器

鍾師大喪

廡其樂器

箛師大喪廡其樂器

典庸器大喪廡筥虞

右陳明器聯事

喪祝及祖飾棺遂御

祖謂將葬祖於庭象生時出則祖也
祖為行始飾棺設柳池紐之屬其序載而

後飾既飾當還車鄉外喪祝御之
御之者執紼居前御行為節度

小喪亦如之

小斂章有封人等七官大斂章司几筵設葦席朝夕奠

章司服共奠衣服朔月月半奠章籩人共薦籩羞籩外

饗實鼎俎世婦濯概為盥盛內豎為內人蹕皆祖奠所

通用

大師大喪帥瞽而厥作隱諡謂諷誦其治功之詩瞽矇諷

誦詩世奠繫鼓琴瑟諷誦詩主謂厥作經諡時也諷誦王治

世本也雖不歌俯鼓琴瑟以播其音美之小師大喪與厥從大大祝作六辭

以通上下親疏遠近六曰誄誄謂積累生時德行以錫之命

誄曰禱爾於上下神祇大史大喪遣之曰誨誨謂積累生時德行以錫之命

於此累其行而讀之大凡喪事攷焉得為有小喪賜諡小喪也

小史大喪佐大史卿大夫之喪賜諡其讀諡亦以大

相成也

右祖奠讀諡誄聯事

大司馬喪祭奉詔馬牲

王喪之以馬祭者蓋遺奠也奉猶送也送之至墓告而藏之

小

司馬小喪紀掌其事如大司馬之法 司尊彝大喪存奠彝

存者謂大遺時奠者謂乃徹也 鬱人大喪及葬共其裸器遂狸之遺奠之葬

與禮也經之於祖廟 小祝大喪及葬設道齋之奠分禱五

祀齋謂送也送道之奠謂遺奠也分其牲 量人掌喪祭奠

窆之俎實喪禮下篇曰藏包簪於旁

右大遺奠聯事

遂師大喪使帥其屬以幄帟先道野役使以幄帟先者大宰

先所以為葬之之間先張神座也道野役帥以至墓也 鄉士大喪紀各掌其鄉之禁

令帥其屬夾道而蹕以下 方相氏大喪先匱葬使 喪

祝及葬御匱出宮乃代喪祝二人 小喪亦如之 鄉師及葬

執纛以與匠師御匱而治役匠師事官之屬其於司空若鄉師之於司徒也鄉師主役匠師

主眾匠共主葬引翬羽葆幢也爾雅曰翬司士作六軍之

士執披謂之戴結披必當棺束於京繫紼天子諸侯戴柩三

束大夫喪祝掌大喪勸防之事勸謂執披備傾虧小喪亦

如之大史大喪執法以泣勸防勸防引巾車大喪及葬

執蓋從車持旌從車隨柩路持蓋與旌者王平生時車建旌

旌御僕大喪持翼翼棺飾也持女御后之喪持翼翼棺

持而從冢人大喪及葬言驚車象人驚車巾車所飾遺車

也語之者告當行若於生存者於是巾車行之孔子謂為

虎賁氏及葬從遺車而哭遺車王之魂魄所憑依遂士六卿若有邦

事則為之前驅而辟其喪亦如之縣士大夫有邦事則為

之前驅而辟其喪亦如之

右墜行聯事

巾車大喪及墓嘯啟闢陳車

開墓門也車貳車也土喪禮下篇曰車至道左北面立東上

方相氏大喪及墓入壙以戈擊四隅毆方良

壙穿地中也方良罔兩也

天子之梓柏黃腸為裏而表以石焉

喪祝及壙說載除飾

壙謂穿中也說載下棺也除飾去棺

飾也四澠之屬令可舉移安錯之

小喪亦如之

掌蜃掌斂互物蜃物以共

闔壙之蜃

互物蚌蛤之屬謂猶塞也將井梓先塞下以蜃禦溼也

稻人喪紀共其輦

事

輦以闔壙禦溼之物

澤虞喪紀共其葦蒲之事

詳陳明器章

右至壙聯事

冢人共喪之窆器

下棺豐碑之屬喪大記凡封用綽去碑負引君封以衡大夫士以咸

鼓人

大喪詔大僕鼓

大僕大喪始崩戒鼓窆亦如之

窆春秋傳所謂日中

而崩禮記謂之封皆葬下棺也

遂師大喪及窆抱磨共邱籠及蜃車之役

邱籠之役籠復土也其器曰籠蜃車柩路也行至墳乃說更復載以龍輜蜃役謂執紼者磨者適歷執紼者名也遂人主

陳之而遂師鄉師及窆執斧以泣匠師匠師主豐碑之事以名行校之

其事冢人及窆執斧以泣臨下也遂入藏凶器明正墓位蹕

墓域守墓禁位謂邱封所居前司常建厥車之旌及葬亦

如之詳陳明樂師凡喪陳樂器則帥樂官及序哭亦如之

哭此樂器亦帥之大司樂泣厥樂器及葬藏樂器亦如之笙師

厥其樂器及葬奉而藏之罇師厥其樂器奉而藏之籥

師厥其樂器奉而藏之司干厥舞器及葬奉而藏之校

人飾遣車之馬及葬埋也詳陳明典瑞大喪共贈玉贈玉蓋璧

也贈有束帛大宰大喪贊贈玉助王為之也贈玉既窆所以送先王小宗

六幣璧以帛伯成葬而祭墓為位成葬邱已封也天子之冢蓋不一日而畢位壇位也先祖形體託于此地視其

神以安之

家人凡祭墓為尸

祭墓為尸或禱祈焉

凡諸侯及諸臣葬於墓

者為之蹕均其祭

右寔聯事

小宗伯王崩既葬詔相喪祭之禮

喪祭禮也

職喪掌諸侯之

喪及卿大夫士凡有爵者之喪凡其喪祭詔其號治其禮

牲號蓋號之凡公有司之所共職喪令之趣其事

令其當供物者給

告

事之期也有司或言公或言國言

司巫祭祀則共藉館

國者由其君所來居其官曰公

甸師祭祀共蕭茅

詳祭祀篇

鄉師大祭祀共茅藉

庭人共喪紀之庶羞

喪事之祭謂虞祔也

喪祝掌喪祭祝號

喪祭虞也

左虞祭聯事

古大喪禮散見經傳佚脫不完宋楊氏復抄集周官戴

記準儀禮士喪禮節次分著其目略存天子諸侯以下
卒葬之典近代婺源江氏作禮書綱目稍增衍之今參
取二家所錄篇第為聯事考雖不能盡窺先王制禮之
全然大略可觀矣

荒禮聯事荒禮詳具荒政考茲姑舉其大凡

大宗伯以荒禮哀凶札荒人物有害也曲禮歲凶年穀不登君膳不祭肺馬不食穀馳道不除祭

事不縣大夫不食梁士飲酒不樂札疫癘膳夫大荒則不舉司服大荒素服

大司樂大札大凶凡國之大憂令弛縣弛釋下之若今

大宰以九式均節財用三曰喪荒之式荒凶年也典瑞珍圭以

卹凶荒珍當為鎮凶荒則民有遠志不安其土故以鎮圭鎮安之小行人若國凶荒則

令賜委之其札喪凶荒厄貧為一書士師若邦凶荒則以

荒辨之法治之

詳見官法考

逸周書維周王宅程三年遭天之大荒作大匡以詔牧其方三州之侯咸率王乃召冢卿三老三吏大夫百執事之人朝於大庭問罷病之故政事之失刑罰之戾哀樂之尤賓客之盛用度之費及關市之征山林之匱田宅之荒溝渠之害怠惰之過驕頑之虐水旱之菑曰不穀不德政事不時國家罷病不能胥匡二三子尙助不穀官考厥職鄉問其人因其耆老及其總害愼問其故無隱乃情及某日以告於廟有不用命有常不赦王旣發命入食不舉百官質方口不食饗及期日質明王麻衣以朝朝中無采衣官考其職鄉問其利因謀其菑旁匡於眾無敢有違詰退驕

頑方收不服愼惟怠墮什伍相保動勸游居事節時茂農夫任戶戶盡夫出農廩分鄉鄉命受糧程課物徵躬競比藏藏不粥糴糴不加均賦灑其幣鄉正保貸成年不償信誠匡助以輔殖財財殖足食克賦爲征數口以食食均有賦外食不贍開闢通糧糧窮不轉孤寡不廢滯不轉畱戍城不畱口足以守出旅分均馳車送逝旦夕運糧於是告四方游旅旁生忻通津濟道宿所至如歸幣租輕乃作母以行其子易資貴賤以均游旅使無滯無粥熟無室市權內外以立均無蚤暮閭次均行均行眾從積而勿口以罰助均無使之窮平均無乏利民不淫無播蔬無食種以數度多少省用祈而不賓祭服漱不制車不雕飾人不食肉

畜不食穀國不鄉射樂不牆合牆屋有補無作資農不敗
務非公卿不賓賓不過具哭不畱日登降一等庶人不獨
葬伍有植送往迎來亦如之有不用命有常不違

六典通考卷十四

湖西閻鎮珩輯

設官考

官府八瀾 官聯 軍旅聯事

大宰作大事則戒於百官贊王命

禮庫曰古者二伯專征王師不輕出參考周官與司

法王有征伐則冢宰徵師於四方小宰掌其戒虎賁奉書以牙璋發之

典瑞牙璋以起軍旅

以治兵守

牙璋王使之瑞節兵守用兵所守若齊人戍遂諸侯戍周

大司徒大軍旅大

田役以旗致萬民而治其徒庶之政令

徵眾刻日樹旗期於其下

縣師

若將有會同軍旅田役之戒則受灋於司馬以作其眾庶及

馬牛車輦會其車人之卒伍使皆備旗鼓兵器以帥而至

詳見

官法

司右掌羣右之政令凡軍旅會同合其車之卒伍而比

其乘屬其右凡國之勇力之士能用五兵者屬焉掌其政令

司馬法曰弓矢圍殳矛守戎戟助凡五兵長以衡短短以教長戎右掌戎車之兵革使詔

贊王鼓傳王命於陳中使謂王使以兵有所誅斬也既告王當鼓之節又助擊之傳王命為王大

言之也大司馬若大師則掌其戒令涖大小帥執事涖擊主

及軍器臨大小卜其兵吉凶也司馬法曰上下謀是謂參之主謂遷廟之主及社主在軍者也軍器鼓鐸之屬

及軍器皆神之主野廬氏邦之大師則令掃道路且以幾禁

行作不時者不物者不時謂不夙則莫者也不物謂衣服操持非比常人也幾禁之者備姦人內賊

及反

右戒令聯事

虎賁氏掌執戈盾軍旅則介而趨介披甲太僕凡軍旅田役

贊王鼓王通鼓佐擊其餘面鼓人凡軍旅夜鼓鼙軍動則鼓其眾夜

戒守鼓也司馬法昏鼓四通爲大警夜半
三通爲晨戒旦明五通爲發响動且行也
挈壺氏掌挈壺

以令軍井挈轡以令舍挈畚以令糧凡軍事縣壺以序聚櫟

詳見兵制大師執同律以聽軍聲而詔吉凶鄭司農云以師曠

歌南風南風不競多死聲楚必無功太史大師抱天時與大師同車太史主抱式以

知天時小史佐大史量人營軍之壘舍量其市朝州涂

軍社之所望軍壁曰壘州一州之眾二千五百人爲師每師一處市也朝也州也皆有道以相之軍社社主

在軍者里居也

上下相見皆曰朝史記項羽晨朝上將軍此軍中名朝

之驗不必王親在行乃謂之朝方氏苞訓里作屈引詩

云如何里云云竊謂軍之所居皆有步數量其數而分

界自明當從鄭義訓居爲長

諸子若有兵甲之事則授之車甲合其卒伍置其有司以軍

灋治之司馬弗正凡國正弗及國子屬太子司馬雖有軍事不賦之大司馬

及師大合軍以行禁令以救無辜伐有罪王巡守若會同司馬起師合軍以從

所以威天下行其政也

右在軍中聯事

幕人軍旅共其幕幕幄帘綬封人軍旅則飾其牛牲廩

人凡邦有會同師役之事則治其糧與其食行道日糧謂糒也止居日食謂

米外饗師役則共其獻賜脯肉之事獻謂酌其長帥委人軍

旅共其委積薪芻遺人凡師役掌其道路之委積牛人

軍事共其犒牛凡會同軍旅行役共其兵車之牛與其牽傍

以載公任器犒師之牛牽傍在轅外執牛也人御之居其前日牽居其旁日傍任猶用也伊耆

氏軍旅授有爵者杖別吏卒且以扶小行人若國師役則

令槁檜之故書槁為橐鄭司校人凡軍事物馬而頒之物

齊其車僕掌戎路之萃廣車之萃闕車之萃萃車之萃輕

車之萃凡師共革車各以其萃五戎者共其一以為王優尊

司兵軍事建車之五兵詳兵制

右共給聯事

士師掌國之五禁之法五曰軍禁古之禁書亡矣今軍銜

枚氏軍旅令銜枚禁踴呼嘆鳴於國中者行歌哭於國中之

道者銜枚為其言語以相誤禁踴呼為其惑眾相感動鳴吟也大司馬及師大合軍以

行禁令司恒氏軍旅修火禁鄉士大軍旅則各掌其鄉

之禁令遂士若邦有大事聚眾庶則各掌其遂之禁令

縣士若邦有大役聚眾庶則各掌其縣之禁令 方士凡都
家之大事聚眾庶則各掌其方之禁令 方士十六人言各掌其方者四人而主一也

右軍禁聯事

大司馬及致建大常比軍眾誅後至者及戰巡陳眡事而賞

罰 致鄉士致民於司馬比校次之也事謂戰功也 小子凡師田斬牲以左右甸陳

示犯誓 大司寇大軍旅涖戮于社 社謂社主在軍者書曰社用命賞于祖不用命戮

于社 小司寇小師涖戮 小師主不 士師大師帥其屬而禁

逆軍旅者與犯師禁者而戮之 逆軍旅反將命也 鄉師凡

國有大事則戮其犯命者

右賞罰聯事

大司馬若師有功則左執律右秉鉦以先愷樂獻于社律所

軍聲鉦所以為將威也先猶道也兵樂曰愷獻于社大司

樂王師大獻則令奏愷樂大獻獻于祖樂師凡軍大獻

教愷歌遂倡之樂師主眡瞭賓射皆奏其鐘鼓鑿愷獻亦

如之擊棘以奏之其登歌太師自奏之愷獻功愷鑄師

軍大獻則鼓其愷樂樂也鑿讀為憂戚之戚擊鼓聲疾數故曰戚

右獻愷聯事

田役聯事

獸人掌罟田獸時田則守罟及弊田令注于虞中凡田獸

者掌其政令罟罔也以罔搏所當田之獸時守備獸獲弊

田植虞旗於其中致禽而珥焉獸人主令田眾得禽迹人

者置虞人所立虞旗之中當以給四時社廟之祭

掌邦田之地政爲之厲禁而守之凡田獵者受令焉禁麇卵者與其毒矢射者

田之地若今苑也令謂時與處也禁毒矢射者爲其天物且害心多也麇麋鹿子

大司徒大田役以旗致萬民而治其徒庶之政令鄉師

凡四時之田前期出田灋于州里簡其鼓鐸旗物兵器修其

卒伍

田灋人徒及所當有也

及期以司徒之大旗致眾庶而陳之以旗

物辨鄉邑而治其政令刑禁巡其前後之屯而戮其犯命者

斷其爭禽之訟

陳之以旗物以表正其行列

州長若國作民而師田役

之事則帥而致之掌其戒令與其賞罰

致之于司徒也

黨正凡作

民而師田行役則以其法治其政事族師若作民而師田

行役則合其卒伍簡其兵器以鼓鐸旗物帥而至掌其治令

戒禁刑罰遂人若起野役則令各帥其所治之民而至以

遂之大旗致之其不用命者誅之役謂師田遂之大旗熊虎凡事致野役

而師田作野民帥而至掌其政治禁令遂師軍旅田獵平

野民掌其禁令比敘其事而賞罰平謂正其行列部伍也縣正若將

用野民師田行役移執事則帥而至治其政令移執事移用其民轉相佐

助既役則稽功會事而誅賞稍人若有師田之事則以縣

師之法作其同徒輦輦帥而以至治其政令以聽於司馬軍有

佐田役之戒縣師受法于司馬邦國都鄙鄉師大役則帥

民徒而至治其政令既役則受州里之役要以考司空之辟

以逆其役事凡邦事令作秩敘辟法也事功力之事秩常也敘猶次也事有常次則不逼

司常凡軍事建旌旗及致民置旗弊之甸亦如之

右政令致民聯事

山虞若大田獵則萊山田之野

萊除其草萊也

澤虞若大田獵則

萊澤野

毛萋曰田者大艾草以為防或舍其中楊纒旃以為門表纒質以為櫛間容帷墜而入聲則不得入左者

之左右者之右然後焚而射焉

大司馬虞人萊所田之野為表百步則一

為三表又五十步為一表

萊芟除可陳之處後表之中五十步表之中央表所以識正行列也

四表積二百五十步左右之廣當容三軍步數未聞

右萊野聯事

幕人凡田役共其帷幕幄帟綬

共之者掌次當以張

掌次師田則張

幕設重帟重案

不張幄者于是臨誓眾王或同顧占察

諸侯師田則張幕設

案

謂諸侯從王師田者

司几筵甸役則設熊席右漆几

謂王甸有師祭表筓所設

席

司服凡甸冠弁服

甸田獵也冠弁委貌其服緇布衣亦積素以為裳

巾車木

路前樊鵠纓建大麾以田

木路不挽以革漆之而已詳車輅篇

田僕掌馭田

路以田以鄙掌佐車之政設驅逆之車田路木路也鄙循行縣鄙佐亦副驅驅舍
使前趨獲逆衙還之使不出圍司弓矢夾弓庾弓以授射鳥獸者往體多來體寡
日夾庾射鳥獸近射也近射用弱弓凡矢殺矢鏃矢用諸近射田獵矰矢茀矢用諸弋射

右共張聯事

鼓人掌敎六鼓四金之音聲以正田役以鼙鼓鼓役事鼙鼓長丈

二尺大司馬中軍以鞀令鼓鼓人皆三鼓羣司馬振鐸車徒

皆作遂鼓行徒銜枚而進羣司馬謂兩司馬也枚如箸銜之有繯結項中軍法止語爲相疑惑

也田僕凡田王提馬而走諸侯晉大夫馳提猶舉也晉猶抑也使人扣而

舉之抑之皆止奔也馳放不扣

右鼓行聯事

山虞及弊田植虞旗于中致禽而弭焉弊田田者止也植猶樹也田止樹旗令獲

者皆致其禽而校其耳以知獲數也及弊田植虞旌以屬禽屬禽猶致禽而弭焉澤虞有旌以其

主澤大司馬徒乃弊致禽饁獸於郊入獻禽以享烝徒乃弊徒止也

冬田主用眾物多眾得取也致禽饁獸于郊聚所獲禽因以祭四方神于郊田僕令獲者植旌

及獻比禽植旌以告獲也田弊獲者各獻其禽此種物相從次數之小宗伯若大甸則

帥有司而饁獸于郊遂頒禽甸祝師甸致禽于虞中乃屬

禽及郊饁獸舍奠于祖禰乃斂禽獲者各以其禽來致于所

饋也所以獲獸饋於郊薦于四方羣兆入又以奠于祖禰薦且告反也斂禽謂取三十八腊人也

右致禽聯事

小宗伯凡王之會同軍旅甸役之禱祠肆儀為位肆習也若

徒府也小宗伯主其位肆師凡四時之大甸獵祭表貉則為位祭師

其神蓋蚩尤或曰黃帝

甸祝掌四時之田表貉之祝號舍奠于祖廟

禘亦如之

貉兵祭也甸以講武治兵故有兵祭舍讀爲釋釋奠者告將時田若將征伐

大司馬

遂以蒐田有司表貉誓民鼓遂圍禁火弊獻禽以祭社

詳見兵制

遂以苗田如蒐之灋車弊獻禽以盲約

夏田爲苗擇取不孕任者若治苗去不秀

實者車弊驅獸之車止也

遂以獮田如蒐田之灋羅弊致禽以祀祈

秋田爲獮

獮殺也羅弊罔止也秋田主用罔中殺者多也祈當爲方

肆師獮之曰涖卜來歲之戒

卜者問後歲兵寇之伺

右田祭聯事

斂弛聯事

大府掌九貢九賦九功之貳以受其貨賄之入

九功謂九職也

內

府掌九貢九賦九功之貨賄

司會以九功之法致邦國之

財用以九賦之瀘令田野之財用以九功之瀘令民職之財

用見官瀘考司書掌九職九正九事見邦計考小司徒以令貢賦

閭師掌國中及四郊之人民六畜之數以任其力以待其

政令以時徵其賦凡無職者出夫布國中及四郊是所主數六鄉之中自廛里至遠

郊也賦謂九賦及九貢獨言無職者掌其九賦小司徒之職掌建邦之教法以稽

國中及四郊都鄙之夫家九比之數以辨其貴賤老幼廢疾

凡征役之施舍夫家猶言男女也謂九比者家宰職出九賦者之人數也貴謂為卿大夫賤謂占會販賈

者廢疾謂癘病也施當為弛鄉師以國比之法以時稽其夫家眾寡辨

其老幼貴賤廢疾馬牛之物辨其可任者與其施舍者掌其

戒令糾禁聽其獄訟詳見官成考鄉大夫以歲時登其夫家之

眾寡辨其可任者國中自七尺以及六十野自六尺以及六

十有五皆征之其舍者國中貴者賢者能者服公事者老者

疾者皆舍以歲時入其書

登成也定也國中城郭中也晚賦

野早賦稅而晚免之以其復少役多征之者給公上事也舍

者謂有復除舍不收役事也貴者謂若今宗室及閭內侯皆

復也服公事者謂若今吏有復除也老謂若今八

十九十復養卒也疾者謂若今廢不可事者復之族師以

邦比之灋帥四閭之吏以時屬民而校登其族之夫家眾寡

辨其貴賤老幼廢疾可任者及其六畜車輦均人掌均人

民牛馬車輦之力政凡均力政以歲上下豐年則公旬用三

日焉中年則公旬用二日焉無年則公旬用一日焉凶札則

無力政政讀爲征力征人民則治城郭涂巷溝渠牛馬車輦

則轉委積之屬公事也旬均也讀如替原隰之帶無

力政恤遂人以下劑致阡

阡猶借借無知之貌致猶會也

其勞也

劑爲率謂可以歲時登其夫家之眾寡及其六畜車輦辨其

老幼廢疾與其施舍者以頒職作事以令貢賦以起政役謂職民九職也分其農牧衛虞之職使民爲其事也載師職云以物地事投地職互言矣貢九貢也賦九賦也政役出土徒役遂師各掌其遂之政令戒禁以時登其夫家之眾寡六畜車輦辨其施舍與其可任者遂大夫各掌其遂之政令以歲時稽其夫家之眾寡六畜田野辨其可任者與其可施舍者

方苞曰六聯惟斂弛事不紛然賦稅地官之事也而受法於司書入於太府則天官亦有事焉征役之施舍亦地官之事也而國政不及國子凡國之政事諸子存游倅則夏官亦有事焉

論曰古者百工技藝各效職于官府奔走煩苦以食其

力而農民不與焉其所與者軍旅田役而已處安而思危督逸而就勞先王順人情之所嚮而不忍遽盡其力也于是地有嫩惡歲有上下野有遠近必爲辨而均之施從其厚事舉其中自七尺以下征之以其才自六十以上舍之以其齒記曰八十者一子不從政九十者其家不從政廢疾非人不養者一人不從政父母之喪三年不從政齊衰大功之喪三月不從政蓋其不能不役者朝廷之體臣子之義也其辨而舍之者大君之仁格外之賜也下服義故犯難而不辭上施仁故盡人而知感方是時大東酒漿之困與北山采杞之刺不作于下而民各懽欣踴躍以赴鼙鼓之召譬諸手足之衛頭目

隨其意所指使而已自周既亡秦始立踐更之法雖丞相之子不免成邊貴者猶然賤者可知至于晉之絳縣老人尋在泥塗雖趙孟爲政莫之知恤然則周公之令與其爲後世所蕩棄者多矣

官常

四曰官常以聽官治

官常謂各自領其官之常職

王氏詳說曰官常者數

之謂也如卿一人中大夫二人之類

宰夫八職四曰旅掌

官常以治數

旅辟下士也治數每事多少異也

王安石曰眾有從謂之旅數

則一二三四是也官常所以聽官治而旅掌之數則府史所

掌而旅治之

周禮命官員數公卿老每二鄉公一人

鄭注王置

六鄉則公卿太宰一大司徒一鄉大夫每鄉卿一人

卿太宰一大司徒一鄉大夫每鄉卿一人

注大卿則卿大夫

人各主一鄉之事然總屬大宗伯一世婦每宮卿一人注王

司徒非六官兼卿大夫也宮則十二人謂此為奄卿大司馬一大司寇一司空一冬官已亡不能知其官數員數

凡二十四人中大夫小宰二司會二右天官共四人小司徒二師氏

一州長每州一凡三十州計三十人遂大夫每遂一人六遂

計六人遂人二右地官共四十一人小宗伯二大司樂二內史一右春官共

五小司馬二戎右二大馭二戎僕二校人二職方氏四右夏官共

十四右秋官共四人小司寇二大行人二右秋官共四人凡六十八人下大夫宰夫

四太府二司會四內宰二右天官共十二人鄉師四黨正每黨一人

凡一百五十黨計一百五十人保氏一司市一司門二遂師

二縣正每縣一人凡三十縣計三十人廩人二右地官共一百九十五人

肆師凡每宮四人六宮當二十四人冢人二墓大夫二

樂師四太師二太卜二太祝二大史二巾車二右春官共軍四十八人

司馬四射人一司士二諸子二虎賁氏二太僕二司甲二司

弓矢二齊右二齊僕二職方氏八右夏官共三十人士師四小行人

四右秋官共八人凡二百九十三人上士宰夫八宮正二膳夫二醫

師二太府四玉府二司會八司書二職內二職歲四職幣二

內宰四內小臣奄上士四鄭注云奄稱士者異其賢愚按此必奄官之受爵命如後來內侍省

官之類如酒人只稱奄幾人則泛泛超走之奄與府史等也右天官共四十六人鄉師八族師每族

一凡七百五十族計七百五十人載師二縣師二師氏二司

市四泉府四司門四司關二掌節二遂師八鄙師每鄙一人

凡一百五十鄙計一百五十人土均二稻人二廩人四舍人

二右地官共九百四十八人肆師八天府一職喪二樂師八小師四卜師

四大祝四饗祝四大史四內史四外史四都宗人二巾車二

家宗人二

右春官共五十三人

與司馬八司勳二掌固二候人六射人

四司右二小臣四繕人二戎右二道右二道僕十二田僕十

二校人四土方氏五

右夏官共六十七人

鄉士八職金二司儀八掌客

二

右秋官共二十人

凡一千一百三十三人中士宰夫十六宮正四

宮伯二膳夫四庖人四內饗四外饗四獸人四獻人二食醫

二疾醫八酒正四宮人四玉府四內府二外府二司會十六

司書四職內四職歲八職幣四司裘二內宰八典婦功二

右天官共一百十八人

鄉師十六閭胥每閭一凡三千閭計三千人封人

四鼓人六牛人二載師四閭師二縣師四遺人二均人二保

氏二司諫二司救二司市八質人二廛人二泉府八司門八

司關四掌節四遂師十六鄼長每鄼一人凡七百五十鄼計
七百五十人旅師四委人二上均四稻人四土訓二誦訓二
迹人四邠人二圉人四廩人八舍人四倉人四司祿四右地官共
三千八百肆師十六天府二典瑞二典命二司服二典祝二
九十八人肆師十六天府二典瑞二典命二司服二典祝二
世婦每宮八人六宮四十八人冢人四墓大夫八職喪四大
胥四典同二磬師四鐘師四笙師二鐃師二箛師四箛章二
卜人八龜人二簪人二占夢二眠視二小祝八喪祝四司巫
二巫師二小史八馮相氏一保章氏二內史八外史八御史
八巾車八典路二車僕二司常二都宗人四家宗人四右春官共
二百人行司馬十六馬質二司險二掌疆八司士六諸子四虎
賁氏十二旅賁氏二祭僕大司甲八司兵四司弓矢八棄人

四馭夫二十職方氏十六懷方氏八合方八訓方四形方氏

四山師二川師二遽師四匡人四擲人四

右夏官共一百五十八人

鄉士

十六遂士十二縣士三十二方士十六訝士八朝士六司民

六司刑二司圜六司隸二布憲二司儀十六環人四掌訝八

掌交八掌察四方士八都則一都士二家士二

右秋官共一百五十七人

凡四千五百三十六人下士太宰旅三十二宮正八宮伯四

膳夫八庖人八內饗八外饗八亨人四甸師二獸人八獻人

四鱮人四腊人四醫師四瘍醫八獸醫四酒正八淩人二宮

人八掌舍四幕人一掌次四太府八司裘四掌皮四典婦功

四典絲二典枲二染人二追師二履人二夏采四

右天官共一百七十九人

司徒旅三十二比長每比一人凡一萬五千比計一萬五千

人封人八舞師二牧人六牛人四充人二遺人四均人四調
人二媒氏二司市十六賈人四廛人四泉府十六司門十六
又每門二王城十二門計二十四人遂師旅三十二里宰每
里一人凡三千里計三千人旅師八稍人四委人四士均八
草人四稻人八士訓四誦訓四述人八邠人四角人二羽人
二掌葛二掌染草二掌炭二掌茶二掌蠶二圉人八廩人十
六倉人八司祿八司稼八右地官共一萬八千二百九十六人宗伯旅三十二
鬱人二鬯人二雞人二司尊彝二司几筵二典祝四職喪八
樂師十六小胥八磬師八鐘師八笙師四鏞師四鼗師二旄
人四籥章四鞀鞀氏四典庸器四司干二卜人十六箚氏二
占人八小祝十六喪祝八甸祝二詛祝二小史十六馮相氏

四保章氏四內史十六御史十六巾車十六典路四車僕四

司常四

右春官共二百七十五人

司馬旅三十二司勳四量人二小子二

羊人二司燿二掌固八司險四候人十二環人六挈壺氏六

射人八服不氏一射鳥氏一羅氏一掌畜二司士十二司右

四旅賁氏十六節服氏八御僕十二隸僕二弁師二司戈盾

二繕人四馭夫十四校人十六趣馬一巫馬二牧師四廋人

二土方氏十山師四川師四遽師八

右夏官共二百四十六人

司寇旅三

十二司刺二司約二司盟二職金四司厲二犬人二司圉十

二掌囚十二掌戮二司隸十二布憲四禁殺戮二禁暴氏二

野憲氏六蜡氏四雍氏二萍氏二司寤氏二司烜氏六條狼

氏六修閭氏二冥氏一庶氏一穴氏一翬氏二柞氏八雍氏

二哲族氏一翦氏一赤友氏一蠋氏一壺涿氏一庭氏一衛

枚氏二伊耆氏一行夫三十二掌客四掌貨賄十六都則二

都士四家士四右秋官二百一十三人凡一萬九千二百零九人命

官難考員數山虞每大山中士二人下士八人中山下士六

人小山下士二人族黨州縣鄉鄣遂皆有定數可以推官數之多少如云每遂中大夫一人則六遂

可知爲六人族師每族上士一人則七百五十族可知爲七百五十人之類若山澤之名數則注家不言其有幾所以難

考官林衡每大林麓下士十二人中林麓如中山之虞小林

麓如小山之虞川衡每大川下士十二人中川下士四人小

川下士二人澤虞每大澤大藪中士四人下士八人中澤中

藪如中川小澤小藪如小川塲人每塲下士二人司關每關

下士二內宗凡內女之有爵者外宗凡外女之有爵者都司

馬每都上士二人中士四人下士八人象胥每翟上士一人
中士二人下士八人朝大夫每國上士二人下士四人無命
官酒人奄鄭注謂宦人賈注謂不屬漿人奄籩人奄醢人奄
人奄鹽人奄冪人奄閭人寺人內豎九嬪女御女祝女中
司服奄縫人奄胥師賈師司蔬司稽肆長鄰長春人奄饔人
橐人奄守祧奄瞽矇奄眡瞭凡以神仕者方相氏圉師罪
隸蠻隸閩隸夷隸貉隸

馬端臨曰周禮冬官已亡無所稽據餘五官所掌有命官
而難考員數者如山虞每大山中士二人中山下士六人
小山二人川衡每大川下士十二人之類是也有元無命
官者如酒人漿人之爲奄女御女祝之爲女方相氏爲狂

夫蠻隸罪隸爲徒隸是也此外則昭然可考大槩公三人

卿二十四人

六官六卿六鄉六世婦六宮十二

中大夫六十八人下大夫

二百九十三人上士一千一百三十三人中士四千五百三十六人下士一萬九千二百零九人自公至下士總二萬五千二百六十六人此內官可考之數也

杜佑通典唐虞官各六十員夏百二十員殷二百四十員周六萬三千六百七十五員內官二千六百四十三人外諸侯國官六萬一千零三十二人馬氏疑杜君所述內官之數與周禮不符而王與之周禮訂義列敘禮政刑四官員數亦微與馬氏不合近吳江沈氏參校諸家增闕補漏爰附著如左

沈彤考定周官爵數爵六等曰公曰孤卿曰中大夫下大夫上士中士下士庶人在官者屬焉婦官亦六等女給事屬焉天子公三人孤三人卿五官官一人冬官亡可例推地官鄉大夫每鄉卿一人六鄉六人凡十一人中大夫天官四人地官五人州長三十人遂大夫六人春官五人夏官十四人秋官四人凡六十八人下大夫天官十二人地官十五人黨正百五十人縣正三十人春官二十四人夏官三十人秋官八人凡二百六十九人上士天官四十六人地官四十八人族師七百五十人鄙師百五十人春官五十三人夏官六十七人僕夫十人六繫爲廐廐一僕夫六繫二十匹當爲十僕夫秋官二十人象胥六人凡千一百五十人中

應故十僕夫

秋官二十人象胥六人凡千一百五十人中

士天官百一十八人地官百四十八人閭胥三千人鄼長
七百五十人春官百五十八人夏官百五十八人秋官百
五十二人象胥十二人凡四千四百九十六人下士天官
百七十九人寺人五人故闕今考入地官二百七十二人比長
萬五千人里宰三千人司門王城十二門二十四人司關
王畿十二關二十四人場人九穀九場十八人春官二百
七十五人夏官二百四十三人馭夫二人良馬三皂爲繫一馭夫百八
十皂爲六十繫當六十馭夫駕馬六趣馬趣馬百九十二
一馭夫則十二趣馬當有二十下士爲馭夫趣馬趣馬百九十二
人校人云良馬三乘爲皂皂一趣馬駕馬三良馬之數入
麗一師入師一趣馬註云八皆宜爲六麗耦也二耦爲
乘良馬一種四百三十二匹五種二千一百六十六匹駕馬
止八百六十四匹良馬二千一百六十六匹爲皂百八丁當
趣馬百八十八人駕馬八百六十四匹爲師
七十二當趣馬十二人并爲百九十二人廋人天子十二

閑二十四人秋官百九十三人條狼氏八人

故六人今考正

象胥

六翟四十八人凡萬九千五百有七人上士爲郊之縣正

中士爲郊之鄙師野之縣正郊十一縣五十五鄙野九百

五十三縣人各如縣鄙之數凡千有八人下士爲郊之鄼

長野之鄙師郊二百七十四鄼野四千七百六十五鄙人

各如鄙鄼之數凡五千三十九人通計三萬一千五百六

十五人庶人在官者府天官八十五人地官七十九人司

門十二人司關十二人場人九人春官百十二人夏官七

十六人秋官七十人凡四百五十五人史天官百四十八

人地官百七十一人司門二十四人司關二十四人場人

九人春官二百七十一人

春官占人之史宜與龜人筮人諸官同二人史共二百七十一

人夏官百八十一人廋人十二閑二十四人秋官百五十

九人凡千有十一人胥天官百七十四人地官二百有二

人春官百六十六人夏官二百四十五人秋官百五十九

人條狼氏八人

故六人今考正

凡九百五十四人徒天官二千二

百有四人地官二千五百三十二人司門四十八人司關

四十八人場人百八十人春官千八百四十人夏官千九

百四十八人廋人二百四十人趣馬千有八人圉師千五

百一十二人

趣馬之徒皂四人良馬百八十趣馬百八十趣馬六皂則有七

趣馬一趣馬六皂則有七

十二皂當二百八十八徒并之爲千有八徒圉師之徒乘

二人良馬五百四十乘當千有八十徒驚馬四百三十二

麗爲二百一十六乘當四百三十

秋官千九百九十八人

條狼氏八十人

其職云王出入

八人夾道公六人此下士

屬王當八人也下士夾道者八則豫擾之

胥亦當入胥爲什長故三十人今考象胥百二十人掌客二十人人今考

正凡萬三千七百七十八人天官賈四十四人奄二十五

人工二十二人閹人二十八人故無此數今考定內豎十人地官

賈八人奄十二人春官奄八人醫瞭三百人眡瞭三百人

執師舞者十六人工百有四人夏官賈八人虎士八百人

狂夫四人工四人馬醫四人圉師六百一十二人圉人二

千五百九十二人良馬乘一師四團二千一百六十四匹爲

六十團駑馬麗一團六麗一師八百六十四匹爲四百三

十二麗當七十二師四百三十二團故圉師六百一十二

閹人二千五百九十二人秋官賈四人罪隸百二十人蠻隸百二十人

閩隸百二十人夷隸百二十人貉隸百二十人凡五千五

公三人嬪視孤卿九人春官世婦每宮卿二人視中大夫

后六宮凡十二人視賈下大夫每宮四人凡二十四人天

官女祝四人女史八人皆視上士凡十二人春官世婦每

宮中士八人凡四十八人天宮內司服女御四人故二人今考正

縫人女御八人皆視下士凡十二人通計百二十人給事

之女府及史春官世婦每宮女府二人女史二人名凡十

二人天官女酒三十人女漿十五女遷十五醢二十女醢

二十女鹽二十女醢十女工八十女春抗二女饎八女漿

十六春官女祧每廟二人天子七廟通姜嫄爲八廟疏見則

十六人皆類於胥凡三百四十七人天官奚六百七十二

地官奚四十五女樂奚四十春官守祧奚三十二世婦每

宮奚十六人則九十六人皆類於徒凡八百八十五人通
計千一百五十六人五官之屬上士都司馬二人家司馬
二人朝大夫二人中士山虞四人澤虞八人都司馬家司
馬各四人都則一人都士二人家士二人下士山虞十六
人林衡川衡各二十人澤虞三十二人都司馬家司馬各
八人朝大夫四人都則二人都士四人家士四人庶人在
官者山虞百八十三人林衡二百二十五人川衡二百二
十五人澤虞三百六十六人都司馬家司馬各九十八人
都司馬職云家司馬亦如之若移此文于序官都司馬後
則所云亦如之者謂每家上中下士府史胥徒如都司馬
之數與春官家宗人秋官家朝大夫三十一人都則八十
士二日同例而其簡互錯也七人都士五十人家士五十人司市胥師賈師各一人史

四司疏二司稽四胥十肆長二十其官本無爵數亦無常

者春官之屬四男巫女巫凡以神仕者故以仕爲士王應電云當作仕旌

人舞者然以五官爵數之可周知者去其婦官與公孤及

鄉遂郊野官鄉遂官二萬二千八百七十二人郊野官六千有五十人有二千六百

二十九人而五分取一以例冬官之有爵者約五百二十

餘人鄉遂郊野官平時屬司徒有大役令鄉師遂人致於司空故鄉師之職大役則帥民徒而至治其政令既

役則受州里之役要以考司空之辟以逆其役事遂人之職起野役則令各師其所治之民而至蓋鄉自州長以下

遂及郊野自縣正以下皆受法于司空以治民徒之役事是官屬在司徒猶在司空也在官庶人五

分取一在冬官者約四千三百四十人六官凡五萬九千

四百餘人 掌客之徒三十而破爲二十何也曰胥爲什

長胥一則徒十胥十則徒百掌客之胥二則徒當三十也

掌客之府史胥皆半於掌訝徒亦當半之玉府四胥而徒乃四十八何也曰必十徒不足供一胥之科次故浮於常五官或有徒無胥者何曰其事易供無庸有才智者率之耳工賈序官多列胥上或無胥而但有工賈則類胥奄不稱士而領其官則類府闢人內豎按其職則類胥若徒瞽矇分上中下眡瞭爲相亦如之二職相近而並列府史胥上則上瞽與其相類府中瞽與其相類史下瞽與其相類胥也韎師舞者列史下徒上則類胥虎士列胥下則類胥狂夫掌帥百隸當在徒上其等未詳馬醫列府上則類府圉師下有徒則類胥圉人役於圉師則類徒五隸皆爲役亦類徒胥師賈師下各有二史則類府司詭司稽列史

下胥上按其職則類胥肆長列胥下則類徒朝大夫都則之史下徒上各有意于則皆類胥也

胥師賈師至此皆不可周知其數者

隸守王宮野舍諸役者固自爲隸也其役於百官府及校人掌畜牧人服不氏者當卽爲諸徒及圉人而類徒中復計之大僕有云御庶子者何也曰卽宮伯所掌王宮之庶子直事路鼓所者非朝大夫都則一庶子之比也

詳朝大夫疏

閹人爲二十八何以定之曰序官云王宮每門四人圉游亦如之宮門臯庫雉應路凡五當二十人圉游之門蓋二又當八人閹人掌守王宮中門之禁註以雉門爲中門是專守雉門與序官云每門異何也曰疏云彼言中門據有禁守者言之其實王之五門皆有守者圉人掌圉游之守

禁游卽在園中而蒙上每門四人之文殆各有當守之門

一矣世婦卿視中大夫何也曰王之九卿六命十二小

卿皆中大夫四命九嬪視九卿此卿十二人當視四命中

大夫也天官之世婦卽春官之世婦而爵數獨詳於春官

則未歸于一朱子以周禮爲草本謂此類也女祝女史視

上士何也曰女祝所掌略如太祝女史所掌略如太史女

史云凡后之事以禮從註云亦如大史之從於王詳周禮訂義黃度說大祝大史之長下大夫

次上士后官事小故女祝女史視上士也內司服縫人領

之以無爵之奄宜不得視士名之以女御則御敘於王所

者不得視府史也內司服女御之數何破二爲四也曰考

女御之凡當七十二人固不可少此二人女祝女史十二人中士四十八

人內司服縫
人十二人

而內司服之女御於王后九嬪外內命婦之

服無不掌則二人亦不足也何以知世婦之中士爲女御也曰女御者九御之屬九御者世婦之卿大夫也卿大夫爲九御則中士爲女御明矣且內宰教九御在教九嬪之下九嬪掌教九御而經無教世婦之文則九御非世婦之屬歟世婦之卿十二人下大夫二十四人并三十六人則爲九御者四九御非世婦之卿大夫歟九嬪教九御各帥其屬而以時御敘於王所則九御所帥者女御也女御非九御之屬歟何以知女祝女史之爲女御曰上蒙女御之文也苟非女御則七十二人而少十二人尤不可也女御七十二人其數八九得倍於世婦之卿大夫其屬乃足且

合夫人嬪婦計之於王妃百二十之總數仍無闕也世婦

女御之數與昏義所云不合何也曰此周制也昏義所云

夏制故各與其外官之數相當周六卿之屬中大夫十二人下大夫二十四人與世

婦卿大夫之數適相當惟上士以下參差耳康成以昏義註周官誤也白虎通

云卿之言章夫之言扶士之言事婦人有是德亦以是爵

爵之內宗外宗其人皆因事而至非專官雖有爵而無祿

註疏云胥有才智爲什長徒給使役女酒三十人而奚三

百人酒爲十奚之長女遵十人而奚二十人則一

女遵爲二奚之長故女酒等類胥奚止堪給使役故類徒

也寺人職有內人及女宮內人謂女酒女遵之等而上及

女府女史女宮謂奚也然則註以內人爲女御非歟曰女

御與九嬪世婦皆為內命婦內宰註已言之且閭人於外

內命婦出入為之辟而內人之出入無帥則幾是又下於

內命婦之徵本姜氏北錫周禮輯義安得以內人為女御也女宮為

奚何以知之曰女宮刑女在宮者見寺人註而序官酒人

奚在女酒下註以奚為宦女禁暴氏奚與隸並稱註以奚

為女奴女奴即司厲入春槩之女子此盜賊之帑從坐者春槩在宮中宦

女即掌戮守內之宮者司刑宮罪註兼宦男女則此宮者亦不當專指宦男二者即

在宮刑女故知女宮為奚也

周語襄王曰內官不過九御九御外官不過九品九品九嬪

九室九嬪居之外足以供給神祇而已言嬪與卿主祭祀也魯語曰日入監九御

使潔奉禘郊之菜盛左傳芋尹無宇曰天有十日甲至人有十等至

下所以事上上所以共神也故王臣公公臣大夫大夫臣

士士臣皐皐臣與與臣隸隸臣僚僚臣僕僕臣臺馬有圉牛

有牧養馬曰圉養牛曰牧以待百事 尚書大傳古者天子三公每一

公三卿佐之每一卿三大夫佐之每一大夫三士佐之故天

子三公九卿二十七大夫八十一元士所與爲天下者若此

而已自三公至元士凡百二十此夏時之官周之官三百六十禮志曰有虞氏之官五十夏后百殷二百周三百近

之未得其實也據夏周推其差則有虞氏之官六十夏后氏百二十殷二百四十周三百六十爲有所法 春秋

繫諸三公者王之所以自持者天以三成之王以三自持自

三之道以治天下若天之四重也天有四時時三月王有四

選選三臣聖人爲一選君子爲一選善人爲一選正人爲一

選由此而下者不足選也三卿爲一選三大夫爲一選三士

爲一選三臣應天之制也故用百二十臣以率比之皆合於天其率三臣而成一慎故八十一元士爲二十七慎以持二十七大夫二十七大夫爲九慎而持九卿九卿爲三慎而持三公三公爲一慎以持天子天子積四十以爲四選選十慎三臣皆天數也故以四選率之則選三十人三十四十二人百二十亦天數也以三公之勢率之則公四十人三十四十二人二十人亦天數也故散而名之爲百二十臣選而實之爲十二長先王因人之氣而分其變以爲四選是三公之位聖人之選也三卿之位君子之選也三大夫之位善人之選也三士之位正人之選也天子有七上卿二十一下卿六十三元士百二十九下士王侯傅上下史五人三伯上下史各五人

少伯史各五人世子太傅上下史各五人少傅亦各五人三率上下率各五人三公上下史各五人卿上下史各五人大夫上下史各五人元士上下史各五人上下卿上下士之史上下亦各五人卿大夫元士臣亦各三人

日知錄成王作周官之書謂唐虞稽古建官惟百而夏商官倍者四代不遠其多寡何若此之懸絕哉且天下之事一職之微至於委吏乘田亦不可闕而謂二帝之世遂能以百官該內外之務吾不敢信也考之傳注亦第以爲因時制宜而莫詳其實吾以爲唐虞之官不止於百而其咨而命之者二十有二人其餘九官之佐爰旰斯伯與朱虎熊羆之倫暨侍御僕從以至州十有二師外薄四海咸建五

長以名達於天子者不過百人而已其他則穆王之命所謂慎簡乃僚而天子不親其黜陟者也故曰堯舜之知而不徧物急先務也堯舜之仁不徧愛人急親賢也夏商之世法曰詳而人主之職曰侵於下其命於天子多故倍也觀於立政之書內至於亞旅外至於表臣百司而夷微盧烝三毫版尹之官又虞夏之所未有則可知矣

論曰先儒謂王有三公象天之三光國有六卿法易之六子天以三百六旬有六日而成歲功王以三百六十有餘屬而成治道是故員額雖多人各宿其業祿廩雖廣食必稱其事自台衡之長下達于抱關擊柝莫不從容展布以盡其長而未始有形勢約束之患官師相規

不爲譏謫僚友相稱不爲比黨非獨其時人心風俗之厚抑由上之程能以授官者考察詳而推擇審也唐杜佑通典及鄧陽馬氏通考各記周人官數而微有異同至廬陵歐陽氏謂六官之屬見於經者五萬餘人其多如是祿養何以給焉愚意先王立法不瀆不濫有已行其事而卽罷其官者月令所謂罷官之無事是也有特存其名而不必備其員者注家所謂三公兼六卿是也其餘或一事而互連或異職而兼攝故官之數則倍於古矣而未嘗有僥幸于其列者焉宋葉時之論曰周人因事以置官周禮因官以存名居官而不兼其職則官冗兼官而不存其名則官廢知周禮兼官之職又知周

禮存官之名斯可與言官制矣